



1621_928_01.jpg



1621_212.jpg



1621_928_02.jpg

Histoire de nostre temps.

927

qui estoient sur l'eau, & le Roy mesme par sa presence hasta la construction de plusieurs batteaux, *Batterie* pour favoriser l'assault qu'on devoit donner par terre. Le canon enlevoit tousiours quelque un dans la ville, & la ruine des maisons en tuoit plusieurs.


Le Vendredy 10. Decembre on commença avec le iour la batterie de dixhuit grosses pieces *Batterie* de canon, lesquelles ne cessèrent de tirer continuellement plus de douze cents coups. Sur les deux heures les feux d'artifice, les grenades, & les mousquetades remplissoient l'air & la terre de feux. Les batteaux s'estant approchez vers le haut de la riviere pour favoriser l'assault, la premiere mine ioüa sur les deux heures du soir du costé du bastion attaqué par le Regiment des Gardes, & fit tel effect, qu'elle emporta en l'air tout ce qui *Effets des mines.* estoit dessus: Vn soldat fut enlevé & retomba avec vne grosse motte de terre sans autre mal que d'un estourdissement; le reste demeura renversé dans la riviere: tout fut mis rez pied rez terre, laissant le chemin ouvert au soldat pour y entrer, s'il eust eu commandement de donner.

La seconde mine qui ioüa au bastion qui regardoit le long de la Garonne vers Bourdeaux, ne fit pas telle ouverture. Les assiegez avoient contreminé, & ceux du Regiment du Comte de Ribera, qui estoient en garde de ce costé, entendans qu'ils travailloient à evanter la mine, n'oserent aduancer leur travail iusques sous les deux espâles du bastion pour l'enlever tout entier.

N n n

7. Tome.

1621_900.jpg



900 M. DC. XXI.

A la premiere face au dessus de la grande cor-
niche, s'esleuoit sur vn piedestal la figure de Sa-
turne, ayant à ses pieds vne table d'attente de
marbre noir, où se lisoient ces quatre vers qu'il
adressoit au Roy.


*Ton courage, grand Roy, chery des destinees,
sera par moy conduit avec tant de conseil,
Que ie veuX que de l'un & de l'autre Soleil
On voye quelque iour tes conquestes bornées.*

Dans le piedestal qui portoit la Planete, estoit
de bronze l'image de la Prudence, vertu que cest
Astre influë particulierement. Elle tenoit en sa
main gauche vn miroir, où elle contemploit sa
face, & de la droicte vn dard où estoit vn serpent
entortillé. Elle auoit par dessus sa teste ce mot de
dedicace. *prudencia.* Et à ses pieds ceste inscrip-
tion. *Lud. XIII. Gall. & Nau. Reg. S.C.C.Q.T.T.
Vindicata Rebellionē Latī.*


Dans le couronnement, & entre les pilastres du
second ordre, estoit vn grand tableau, qui repre-
sentoit comme Saturne retiroit les hommes des
forests & des grottes, & de ceste sauuage façō de
viure qu'ils menoiet, pour leur enseigner l'usage
d'une plus douce vie. Cest Embleme le raportoit
au Roy, ce qui se cognoissoit par ces vers qui e-
stoient dans vne table d'attente de marbre noir.

*Peuples, dont la licence & les mauuises mœurs
Ont imbu les esprits de sauuages humeurs,
Qui n'auēZ autre loy qu'une brutale enue,
LOVYS, qui veut combler le siecle de plaisirs,
Vous inuite à iouyr des douceurs d'une vie,
Où les felicitez passeront les desirs.*

1621_213.jpg



1621_928_03.jpg



1621_901.jpg

Histoire de nostre temps. 901

Les pedestails des colonnes de ceste face estoient ornez des suivantes deuises.

Vne horloge avec sa monstre, dont les heures estoient marquees par vne main, le mot estoit, *Asi mi mano como mi sonido*. Pour mōstrer que le Roy tres prudent, ayant meuremēt deliberé & resolu vn dessein, l'executoit promptement, & que ses actions suiuiot de point en point ses conseils.

Vn soc ouurant vne terre dure & sterille, avec ce mot, *Terramque rebellem*. Ainsi la Prudence & valeur du Roy forçoit les terres rebelles qui luy resistoient.


Vn lys bleu sur le sommet d'une haute montagne leuant sa teste, & se tournant vers l'estoile de Saturne (dont ceste fleur est amoureuse, cōme disent les naturalistes) avec ce mot. *Non inferiora secutus*. Cela signifioit que sa M. mesprisoit de suivre de moindres exemples de Prudence, que celle du plus sage des Dieux.

Vne faux qui s'esguisoit sur vne rouë afloire, *De su duressa mi agudessa*. Pour dire que l'experience & les affaires faisoient augmenter le Roy en la perfection de la sagesse.


En la face qui regardoit le Nord sur vn pedestail se presentoit la statue de la Preuoyance en femme ayant deux testes, tenant dela main gauche vn compas, dans son pedestail estoit escrit ce mot; *Prouidentia*. Dans les pilastres du couronnement estoit enchassé vn grand tableau dans lequel estoit representé Ianus: Pour expliquer le dessein de ce tableau on auoit mis

LII. iij

1621_214.jpg



1621_902.jpg



1621_215.jpg




Image issue du site mercurefrancois.ehess.fr - Cliché (c) Cécile Soudan